

p. 349: -4【**徹照十方願**】（唐譯）31 願：若我成佛，國土光淨，遍無與等，徹照無量無數不可思議諸佛世界，如明鏡中現其面像。（T11, p. 94, b1-3）（魏譯）31 願：設我得佛，國土清淨，皆悉照見十方一切無量無數不可思議諸佛世界，猶如明鏡觀其面像。（T12, p. 268, c7-9）（宋譯）25 願：世尊！我得菩提，成正覺已，所居佛剎廣博嚴淨，光瑩如鏡，悉能照見無量無邊一切佛剎。眾生觀者，生希有心，不久速成阿耨多羅三藐三菩提。（T12, p. 320, b2-5）漢、吳兩譯，闕此願。

【**雪廬老人眉註 42 願**】：此光普攝諸剎。前第 25 至 27 等願，係他方眾生聞佛之名而得利益；此處僅見彼剎之光，道心自然而生。眼緣色塵必借光明，彼土無日月星耀，物自發光，他方世界既攝，此間光明自然徹照他方。或天眼所見，或定中所見，或因緣感召。

p. 350: 6【**華嚴經**】《大方廣佛華嚴經》卷 32〈佛小相光明功德品第三十〉：「諸天子！如我天聲，十方世界隨所應化皆悉得聞，一切諸佛亦復如是，隨應度者皆悉得見。諸天子！譬如明淨發光金玻瓈鏡，與十世界等，於彼鏡中，見無量剎，一切山川、一切眾生、地獄、餓鬼，若好、若醜，形類若干，悉於中現。」（T09, no. 278, p. 606a8-13）

p. 350: -3【**生希有心**】勝義菩提心。如前 p.63: 5「廣狹自在無礙門」。眾生若見極樂世界光明，則能入華嚴經之不可思議解脫境界：入此「法界圓融、事事無礙、相即相入、無盡緣起」之玄門，悉皆生起無上殊勝菩提之心；亦即法華經之「悟入佛之知見」。此乃彌陀發此誓願之本意，故《宋譯》曰：「不久當成阿耨多羅三藐三菩提」。

p. 351: 3【**寶香普熏願**】（魏譯）32 願：設我得佛，自地以上至于虛空，宮殿、樓觀、池流、華樹，國土所有一切萬物皆以無量雜寶、百千種香而共合成。嚴飾奇妙，超諸人天。其香普薰十方世界，菩薩聞者皆修佛行。（T12, p. 268, c10-14）《漢》、《吳》兩譯無此願。道隱《甄解》：「佛行者，行大悲行。…願成就文云：「所居舍宅宮殿樓觀，稱其形色，乃至流布萬種溫雅德香，其有聞者，塵勞垢習自然不起。」…《滄記》云：「願文示地上菩薩聞得益，此顯益也，願成文示凡夫冥益，佛德香熏普流十方，故穢惡凡夫冥聞之者得益耳。何故願文約地上菩薩者？真土莊嚴德香故，非地上菩薩則無由聞之耳。」今謂：因願成就，何分別凡聖乎！聞德香者即聞名號也，何隔於凡夫耶！思之。」

【雪廬老人眉註】以此二願(42,43)係香光普攝十方眾生。

此經〈寶樹徧國第十四〉、〈堂舍樓觀第十六〉、〈泉池功德第十七〉願成就文皆顯一切皆七寶合成，現在「寶香普熏願」文，又顯無量寶香合成，真所謂「香光莊嚴」，甚奇特也！此香不但熏極樂眾生，又能普熏十方世界，廣作佛事，更顯佛德之事事無礙境界。

p. 353：2【普等三昧願、定中供佛願】（魏譯）42「住定供佛願」：設我得佛，他方國土諸菩薩眾聞我名字，皆悉逮得清淨解脫三昧。住是三昧，一發意頃，供養無量不可思議諸佛世尊，而不失定意。若不爾者，不取正覺。45「住定見佛願」：設我得佛，他方國土諸菩薩眾聞我名字，皆悉逮得普等三昧。住是三昧，至于成佛，常見無量不可思議一切如來。若不爾者，不取正覺。（T12, p. 269, a15-28）

p. 353+354【清淨、解脫、普等三昧】聞達《法華經句解》卷7：「清淨三昧：了性本空，遠塵離垢。」（X30, p. 612, a18）吉藏《法華義疏》卷12〈妙音菩薩品24〉：「清淨三昧者，如有如意寶珠能淨諸寶，是三昧能淨諸三昧垢，煩惱垢易治，三昧垢難斷。」（T34, p. 622, a28-b1）【解脫三昧】離煩惱、離生死，離一切繫縛。【普等三昧】普見諸佛，平等現，無所不見。即是念佛三昧：念一佛功德，等一切佛。又得三昧時，普見諸佛現前。《楞嚴經勢至圓通章疏鈔》卷1：「又此念佛三昧，亦名一行三昧。亦名諸佛現前三昧、般若三昧、普等三昧。」（X16, p. 381a17-18）

淨空和尚：煩惱、習氣像繩索一樣，把我們捆綁起來，使我們動彈不得，這是繫縛。此三昧能解開繫縛的繩索；解開煩惱習氣，使我們得自在，謂之解脫。脫離煩惱苦、繫縛苦，離苦得樂，故稱為解脫三昧。「如《會疏》曰：止觀無礙，故名解脫」，止是放下，觀是看破。放下分別執著，這是止。放下之後，對於世出世間一切法，通達明瞭（因緣生、性空），那是觀、是智慧。智慧從哪裡生的？從清淨心生的，清淨心就是止。有止、有觀，止觀不二，止觀並運。只有止沒有觀，會變成無想定，錯了！果報在第四禪無想天。如果只有觀沒有止，也不行，那是狂慧，雖然聰明，造業就更容易，出不了六道輪迴。若有智慧還有大福報，麻煩可就大了。你在六道是大福德人，大福德人真的修善容易，造惡也容易。所以這都不屬於佛法，佛法裡頭講「禪定」，是有止有觀。止裡面有觀，觀裡頭有止，止觀並運、無礙，這是解脫。

《維摩詰所說經》卷 2〈不思議品 6〉：「諸佛菩薩有解脫，名不可思議。若菩薩住是解脫者，以須彌之高廣，內芥子中無所增減，須彌山王本相如故，而四天王、忉利諸天不覺不知己之所入，唯應度者乃見須彌入芥子中，是名住不思議解脫法門。又以四大海水入一毛孔，不燒魚、鼈、黿^ワ、鼉^タ水性之屬，而彼大海本相如故，諸龍、鬼神、阿修羅等，不覺不知己之所入，於此眾生亦無所燒。又，舍利弗！住不可思議解脫菩薩，斷取三千大千世界，如陶家輪，著右掌中，擲過恒河沙世界之外，其中眾生，不覺不知己之所往。又復還置本處，都不使人有往來想，而此世界本相如故。」(T14, p. 546, b24-c8)

p. 355：-4【初地、八地】「初地」，歡喜地，初得聖性，具證人法二空理，能利益自他；於一念頃能至百佛世界，供養諸佛。「七地」，遠行地，進入無相行，遠離世間及二乘的有相，有功用。「八地」，不動地，無分別智相續任運，不被相、用、煩惱等所動。道隱《甄解》：「「住定供佛」，止觀不二義也。雖住三昧，止觀不相融，入出有罣礙，謂入則心智虛寂，出則身行散動，若離昏沈，即為掉舉，動靜不同，難成菩提。是故興此住出相即、動靜相照顧，以使成菩提。然此願是當來益為正，若望他方菩薩者，七地已前及地前，有相、有功用菩薩，依聞名力，現等上地菩薩得止觀雙修。」

p. 355：-3【無功用道】為「有功用」之對稱。未能任運修『無相觀』，尚須藉方便加行者，稱「有功用」。「功用」，指做事時有意志性的活動；反之，能自然任運活動者，稱為「無功用」。如《十地經》卷六說十地中的第八不動地(T10, p. 560, a)：「譬如海船未至大海，以有功用排牽而去，若至海已，則無功用任運而行。以於大海風輪飄汎，一日所行，此比於前有功用時，設經百歲，不能爾所無量而至。」在菩薩十地中，七地以前的菩薩雖修無相觀，然尚須藉方便加行，故稱有功用，八地以上則稱無功用。然若就佛果而言，八地以上亦屬有功用，唯有佛果是無功用。又，天台宗以別教初地以前及圓教初住以前為有功用，若別教初地證道，同圓教初住，則為「無功用」。～《中華佛教百科全書》《天台四教儀》卷 1：「此是見道位。又無功用位，百界作佛。」《天台四教儀集註》卷 8：「既至初地，不加功力任運流入薩婆若海，百界作佛。」

p. 356 : 3 【一行三昧】《六祖壇經》：一行三昧者，於一切處行住坐臥，常行一直心是也。…但行直心，於一切法勿有執著。…若於一切處行住坐臥，純一直心，不動道場，真成淨土，此名一行三昧。續法《楞嚴經勢至圓通章疏鈔》卷 1：「此念佛三昧，亦名一行三昧，亦名諸佛現前三昧、般若三昧、普等三昧。」(X16, p. 381, a17-18) 蓮池《阿彌陀經疏鈔》卷 3：「【疏】理一心，正文殊一行三昧及華嚴一行念佛、一時念佛。又如起信明真如法身及諸經中說。【鈔】文殊一行者，以般若智專持佛名。詳見前文。華嚴一行者，德雲比丘示念佛法門。疏云：一行三昧，觀其法身。以如為境，無境非佛。又修念佛三昧，多約漸修。謂先化身，次報身，次法身。今則一時而修，不歷次第。一行不二行，一時不二時。故曰即理一心也。起信真如者，論云：若觀彼佛真如法身，常勤修習，畢竟得生，住正定故。又摩訶般若經云：菩薩念佛，不以色念，乃至不以四智、十八不共法念。何以故？是諸法自性空故。自性空則無所念，無所念是為念佛。又觀佛三昧海經，佛示阿難云：住念佛者心印不壞。釋曰：諦了自心，名為觀佛。不為境亂，名為三昧。一體不移，名為心印等。又舍利弗陀羅尼經云：唯修一心念佛，皆理一心義也。」(X22, p. 662, a22-b12)

p. 356 : 5 【住定供佛】【雪廬老人眉註】：見相多有貪著、失定者。故知：依此願力，則不失定意。又須與前 11 願「徧供諸佛願」合參(p.288)。此被十方佛剎諸菩薩眾，彼攝極樂眾生。彼得神通自在，一念傾周徧巡歷供養諸佛；此住三昧定中，供無量無邊諸佛。又與前 38 願「應念受供願」合參(p.343+345)。彼願特別強調者為：不須遍至他國，諸佛即可應念而受供矣！

p. 356 : -3 【四十六、七、八願】【雪廬老人眉註】46 願：極樂之菩薩證忍不退，自是平等。一說前第十二願乘願他方化眾之菩薩，雖不重回極樂，亦使得到一生補處。一說他方菩薩聞彌陀度生願力之普之大，咸起希有之心，趨步彌陀，心既投入彌陀願海，自感彌陀加攝也，故速得忍。47 願：聞名生信，歡喜得住。以信念彌陀化他。能普化他，德本方足。48 願：以化他之功故得斯果，不必待往生以後也。44-48：以上兩願(章)係助十方菩薩圓成佛果。

p. 357 : 3 【正性離生】見道的異名。所謂「正性」，係指涅槃、無漏聖道，是說聖道等，其性正純而不邪曲。「離生」者，「生」是煩惱的異名，斷除由「分別」而生起的煩惱。一說謂「離生」，係指脫離凡夫之生。蓋入見道

位則得聖道涅槃的正性，遠離煩惱之生。概括而言，不只是見道，即使是修道、無學道亦有正性離生之義。但因見道為其初，意義較為偏重，故成為「正性離生」的異名。～《中華佛教百科全書》

p. 358: -2【得平等住】住平等法中，住於諸法實相。依法相宗，謂轉第七末那識為「平等性智」，未轉識成智以前，我見、我愛、我慢、我癡四煩惱與末那識恆常相應，以自我為主，充滿我執分別。若有「平等性智」，依此智慧而了知一切事相及自他悉皆平等，大慈悲心恆共相應。若依《華嚴經》、《大般若經》、《大乘起信論》等，諸法本性是寂靜、不生不滅，是離言說相、心緣相，畢竟平等，唯一『真如』。《大智度論》云：於一切眾生中，等心、等念、等愛、等利，是名「眾生等」，不著種種相，眾生相、空相，一等無異。得等忍菩薩，於一切眾生不瞋不惱，如慈母愛子。若於善法、不善法，有漏、無漏，有為、無為等法，如是諸法，入不二法門，深入諸法實相，無諍無礙，是名「法等」……已得解脫，空、非空，是等悉捨，滅諸戲論，言語道斷，深入佛法，心通無礙，不動不退，名「無生忍」。

《無量壽經優婆塞持戒願生偈註》卷2：「諸佛菩薩莊嚴身口意三業，用治眾生虛誑三業也。云何用治眾生？(T40,p.839,b26-c15)以身見故，受三塗身、卑賤身、醜陋身、八難身、流轉身。如是等眾生，見阿彌陀如來相好光明身者，如上種種身業繫縛皆得解脫，入如來家，畢竟得平等身業。眾生以憍慢故，誹謗正法、毀訾賢聖、捐擯尊長(尊者君父師也。長者有德之人及兄黨也)。如是之人應受拔舌苦、瘡痍苦、言教不行苦、無名聞苦。如是等種種諸苦眾生，聞阿彌陀如來至德名號說法音聲，如上種種口業繫縛皆得解脫，入如來家畢竟得平等口業。眾生以邪見故，心生分別。若有若無、若非若是、若好若醜、若善若惡、若彼若此，有如是等種種分別。以分別故，長淪三有，受種種分別苦、取捨苦，長寢大夜，無有出期。是眾生若遇阿彌陀如來平等光照，若聞阿彌陀如來平等意業，是等眾生，如上種種意業繫縛皆得解脫，入如來家畢竟得平等意業。」

p. 358: -1【法界全體】《淨土生無生論》：「法界圓融體，作我一念心，故我念佛心，全體是法界。」「行者念佛之時，此心便是圓融清淨寶覺，以此妙心念彼阿彌，則彼三身，何身不念？求彼四土，何土不生？但隨功行淺深，品位高下耳。」(T47, p. 382c16-26)「蓋由法界圓融不思議體，作我一念之心，亦

復舉體作生、作佛、作依、作正。既皆全體而作，有何一法不即法界？故曰：「一塵法界不小，剎海法界不大，多亦法界，少亦法界。」是以西方十六諸境、吾心事理二觀，一一無非法界全體。」(p. 383a1-6)

p. 359：-5【五忍】出《仁王般若波羅蜜經》卷上〈菩薩行品〉，指伏、信、順、無生、寂滅五忍，前四忍各分上、中、下三品，後一忍分上、下二品，總稱為十四忍。(1)伏忍：地前三賢之人未得無漏，煩惱未斷，但能伏住煩惱令之不起。其中十住為下品，十行為中品，十迴向為上品。(2)信忍：地上菩薩得無漏信，隨順不疑。其中初地為下品，二地為中品，三地為上品。(3)順忍：菩薩順菩提道，趣向無生之果。其中四地為下品，五地為中品，六地為上品。(4)無生忍：菩薩妄惑已盡，瞭知諸法悉皆不生。其中七地為下品，八地為中品，九地為上品。(5)寂滅忍：諸惑斷盡，清淨無為，湛然寂滅。其中十地為下品，佛為上品。～《佛光大辭典》

p. 360：2【魏譯】第34「聞名得忍」願：十方無量不可思議諸佛世界眾生之類，聞我名字，不得菩薩無生法忍，諸深總持者，不取正覺。第47「得不退轉」願：設我得佛，他方國土諸菩薩眾聞我名字，不即得至不退轉者，不取正覺。第48「得三法忍」願：他方國土諸菩薩眾聞我名字，不即得至第一、第二、第三法忍，於諸佛法不能即得不退轉者，不取正覺。（宋譯）33願：所有十方一切佛剎聲聞、菩薩，聞我名號，證無生忍，成就一切平等善根，住無功用，離加行故；36願：所有十方一切佛剎，聞我名者，應時即得初忍、二忍乃至無生法忍；成就阿耨多羅三藐三菩提。不久令得阿耨多羅三藐三菩提。」（唐譯）48願：餘佛國中所有菩薩，若聞我名，應時不獲一二三忍、於諸佛法不能現證不退轉者，不取菩提。《漢》、《吳》譯無此願。

p. 360：7【平等法身】《無量壽經優婆塞舍願生偈註》卷2：「平等法身者，八地已上，法性生身菩薩也。寂滅平等者，即此法身菩薩所證寂滅平等之法也。以得此寂滅平等法，故名為平等法身。以平等法身菩薩所得，故名為寂滅平等法也。此菩薩得報生三昧，以三昧神力能一處一念一時遍十方世界，種種供養一切諸佛及諸佛大會眾海，能於無量世界無佛法僧處，種種示現種種教化，度脫一切眾生，常作佛事。初無往來想、供養想、度脫想，是故此身名為平等法身，此法名為寂滅平等法也。未證淨心菩薩者，初地已上，七地已還諸菩薩也。此菩薩亦能現身若百若干、若萬若億、若百千萬億，無量

佛國土施作佛事，要須作心入三昧乃能，非不作心。以作心故，名為未得淨心。此菩薩願生安樂淨土，即見阿彌陀佛。見阿彌陀佛時，與上地諸菩薩畢竟身等、法等。」(T40, p. 840 a19-b6)

p. 360：-5【無生法忍】又稱無生忍。指對無生之法理的認知。即徹底認知空、實相之真理而安住之。亦即對「一切法不生不滅」之理，能夠確切地掌握之謂。此處之「忍」，是「確認」、「肯定認可」之意，是一種智慧，不同於「忍辱」。此「忍」字，為透徹的「認」知，亦即能夠對事及理在內心中認得清清楚楚，並能安住此理而不動，這便是忍；所以忍是智慧的別名。能夠證悟一切法不生不滅的智慧，即稱之為「無生法忍」。如何解「無生」理？(1)空性、無自性：無有實體故。(2)如夢幻泡影：虛幻無實故。(3)本來無生：如依水起波，波本無生，唯是水起故。(4)中道第一義故：八不中道—不生不滅，不斷不常，不一不異，不來不出。如穀與芽、泥與瓶，不一不異；穀不作芽、泥不作瓶。穀子中芽，無所從來。若有來者，芽應從餘處來，如鳥來棲樹，而實不爾。故知：一切法本來無生，以有虛妄執著故，誤認實有法從緣所生；現已得此「無生法」理並安住之，稱為得證「無生法忍」。

p. 361：-7【十住論】《十住毘婆沙論》卷5：「若菩薩欲於此身得至阿惟越致地，成就阿耨多羅三藐三菩提者，應當念是十方諸佛，稱其名號。」「過去無數劫，有佛號海德，是諸現在佛，皆從彼發願，壽命無有量，光明照無極，國土甚清淨，聞名定作佛。今現在十方，具足成十力，是故稽首禮，人天中最尊。」「問曰：但聞是十佛名號，執持在心，便得不退阿耨多羅三藐三菩提。為更有餘佛餘菩薩名，得至阿惟越致耶？答曰：阿彌陀等佛，及諸大菩薩，稱名一心念，亦得不退轉。更有阿彌陀等諸佛。亦應恭敬禮拜稱其名號。」(T26, p. 41, b15-c14)

p. 361：-1【聞、意兼信受】《阿彌陀經要解》：「所言局者，如《占察經》云：若雜亂垢心，雖復稱誦我之名字，而不名為聞，以不能生決定信解，但獲世間善報，不得廣大深妙利益。若到一行三昧，則成廣大微妙行心，名得相似無生法忍，乃為得聞十方佛名。此亦應爾，故須聞是經已，受持此經所示執持名號之法，持至一心不亂方得聞諸佛名，方為一切諸佛所護念也。所言通者，諸佛慈悲不可思議，名號功德亦不可思議，故一聞佛名，不論有心無心、若信若謗，皆成緣種。」(T37, p. 373c1-11)

p. 362：7【不退轉】菩提心、菩薩行、菩薩位，三種皆不退轉。先「菩薩位」不退，分三：「位不退」：初住-七住；永不退失超凡之位。「行不退」：八住以上，至十行位；永不退失菩薩之行。「念不退」：初地以上，破無明惑，則永不退失中道正念。何謂菩提心不退？若《彌勒菩薩所問經論》卷2：「諸菩薩證得初地畢定因故，乃至未得成佛以來，常以深心如實修行，次第增長菩提之心。彼所治法不能障故，名不退轉。」(T26, p. 238b16-19)但若依《釋淨土群疑論》卷4：「依菩薩本業瓔珞等經說，第六住名正心住。此位菩薩猶有退菩提心，作二乘等。如舍利弗等是也。七住已上，無有此退。…若依起信論等，從初發心住，總名入位不退。十住已前，十信菩薩名為外凡，亦曰輕毛凡夫。譬如輕毛隨風東西，故有退轉。十住菩薩非是輕毛，以善根堅固，不為邪風所動，入內凡位無有退位。名阿鞞跋致菩薩也。」(T47, p. 55c9-18)菩薩行不退者，《彌勒菩薩所問經論》卷2：「以得不退因畢竟成就深心，故名不退。言不轉者，依不退深心，起餘心行，上上勝進，故名不轉。……不退者，以得初地不失菩提心因，深心等成就故；言不轉者，二地已上，起心十善業道所攝，異十善業道，修行檀等數數增長故。」(T26, p. 242a1-20)「不退轉者，菩薩摩訶薩有八種法，能成不退轉地。何等為八？一者、大悲；二者、心安住；三者、智慧；四者、方便；五者、不放逸；六者、發精進；七者、善住念；八者、值善知識。初發心菩薩應速修行此八種法，如救頭然，後方修集菩薩其餘不退轉法，依此八法修集其餘不退不轉一切功德。」(T26, p. 241c20-26)

p. 363：2【寶雨經】《佛說寶雨經》卷1：「其中有佛號釋迦牟尼如來…若諸有情聞彼佛名，於阿耨多羅三藐三菩提得不退轉…其有眾生遇斯光者，身心悅樂。…由彼如來往昔修菩薩行時，發是誓願：『若我得成佛已，一切有情聞我名者，皆於阿耨多羅三藐三菩提得不退轉！』」止蓋菩薩白其佛(蓮花眼如來)言：「世尊！若如是者，彼世界中諸有情等但聞佛名，皆於菩提不退轉耶？」佛言：「不也！」止蓋菩薩言：「世尊！彼諸眾生既已預聞彼佛名號，云何於中有退、不退？」佛言：「善男子！但使得聞如來名號，皆與彼作不退因緣，是故亦名阿鞞跋致。善男子！譬如植種，未經腐敗，至彼後時，水、土和合。於意云何，如是種子名為生不？」止蓋菩薩白其佛言：「世尊！如是種子無有損壞，若遇因緣而定得生。」佛言：「善男子！如是，如是！彼諸眾生由聞佛名，必定當成阿鞞跋致，得授阿耨多羅三藐三菩提記。」」(T16, p. 285, a5-27)